



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1863**

XXVII. Gebhard, Bischof von Brandenburg, bestätigt die Uebertragung der  
Pfarrkirche in Beltitz in das Lorenz-Kloster zu Neustadt-Magdeburg, am 22.  
Juni 1280.

---

---

**Nutzungsbedingungen**

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

XXVI. Bernhard, Magdeburgscher Elect, incorporirt dem Lorenz-Kloster in Neustadt-Magdeburg die Pfarrkirche Beltz, am 20. Juni 1280.

In nomine domini Amen. Bernhardus, dei gracia sancte magdeburgensis ecclesie Electus, vniuersis presentibus et futuris in perpetuum. Sicut gradatim ascenditur et nemo repente fit summus, sic paulatim aliquociens indigenti succurritur, ut ab indigencia sua quis ex paruis subuencionibus releuetur. Spe consideracionis huius instructe dicite deo filie sanctimoniales monasterii sancti laurencii noue ciuitatis magdeb. Cisterciensis ordinis studentes paulisper augmento possessionis sue in opus quidem curationis, quam paciuntur inedia et habentes ad nos plenam de promotione sua fiduciam non solum de meritorum suorum exigencia, qua sunt bone, sed ex familiaritatis gracia, qua matri nostre magdeburgensi ecclesie ac nobis in domino sunt subiecte pro impetranda sibi parrochiali ecclesie in beltiz brandeburgensis dyocesis nos ac sanctum magdeburgense capitulum sollicitare humilibus saltem precationibus attemptarunt. Quarum deo placencium piis votis condescendere cupientes, earum precibus haut deesse possumus; necessitates dicti cenobii, si non habundanter hac vice competenter tamen respicere, ut in futurum possit habundare plenius, ex mera liberalitate compellimur et ex libera pietate. Igitur recognoscimus et tenore presencium publice protestamur, quod ob fauorem religionis ac intuitu diuine remuneracionis congregacioni sanctimonialium sancti laurencii magdeburgensis ius patronatus parrochialis ecclesie in beltiz, immo ipsam ecclesiam cum omnibus suis fructibus et vtilitatibus quibuscunque, prout possidebat eam sancta magdeburgensis ecclesia, accedente capituli nostri plenaria voluntate, per presentes tradimus et donamus in ius proprium, ut exinde dicta congregacio commodum eius ordinet et profectum prouiso, quod eandem parrochia diuino non fraudetur officio et cura animarum ibi nullatenus negligatur. Nec minus expediantur dyocesano ac loci huius archidiacono iura sua illisque semper hec maneant inconcussa. In huius donacionis nostre ac consensus capituli nostri euidentis testimonium presentem dedimus litteram sigillis nostro et nostre ecclesie roboratam. Datum magdeburg, Anno domini M<sup>o</sup> CC<sup>o</sup> LXXX<sup>o</sup>, XII Kal. iulii.

Copialbuch des Lorenz-Klosters in Neustadt-Magdeburg f. 63 u. 64.

Ob diese Patronatsverleihung sich auf Beltzig oder Beltiz bezog, wage ich nicht zu Gunsten des letztern Orts zu entscheiden, da der sorgfältige Abschreiber dieser Urkunde, Herr Archiv-Assistent Bedding in dem Copialbuche Beltiz liest. Indessen bezeichnen die Bestätigungen von 1308 und folgende den Pfarrort mit dem Namen Beltiz und in der That gehörte das Patronat über die Pfarrkirche zu Beltiz bis in die Reformationszeit dem St. Lorenz-Kloster zu Magdeburg.

XXVII. Gebhard, Bischof von Brandenburg, bestätigt die Uebertragung der Pfarrkirche in Beltz in das Lorenz-Kloster zu Neustadt-Magdeburg, am 22. Juni 1280.

Geuehardus, dei gracia brandeburgensis episcopus, vniuersis et singulis presentes litteras inspecturis Salutem in omnium saluatore. Cum testimonio sapientis non debeat perhiberi,

qui benefacit, quinimmo si valet benefacere, exemplariter quilibet adhortetur. Nos cum exultatione non modica intellecto, quod venerabilis deo et nobis dominus meus bernhardus, sancte magdeburgensis ecclesie Electus, et capitulum suum secundum quod in priuilegio sigillis ipsorum firmato perpeximus contineri, monasterio sancti laurencii in magdeburg de regula sancti benedicti, pro dampnis ipsarum sanctimonialium ac defectibus corporalibus ex tumultu gwerrarum perpessis multipliciter consolabiliter releuandis, ecclesiam in beltiz parrochiam de proprietate ipsius sancte magdeburgensis ecclesie in ius et proprietatem possidendam perpetuo donauerunt, ipsam donacionem sancte factam et prouide gratam gerimus et acceptam. Affectantes igitur et volentes, ut dicte christi ancille ex dono predicto aliquod emolumentum ex parte nostra sibi conueniens consequantur, quicquid auctoritatis, iuris ac beniuolencie conuenienter nobis competit seu decenter admittere, eisdem in ipsarum subsidium ac releuamen gratanter duximus concedendum prouiso in posterum, quod vicariis, quos nobis ac nostris successoribus ex parte prefati monasterii contigerit presentari, honeste et sufficienter prouideatur; ut autem hec nostra concessio intueri volentibus pateat in futurum, ipsam annotari presentibus et sigillo nostro fecimus communiri. Datum magdeburg, Anno domini millesimo CCLXXX, Tercio decimo Kal. iulii, pontificatus nostri Anno II°.

Copialbuch des Lorenz-Klosters zu Neustadt-Magdeburg f. 64 im Prov.-Archiv zu Magdeburg.

XXVIII. Magdeburgische Hofleute bitten den Rath und die Schöppen zu Jüterbock, ein Nonnen-Kloster in ihrer Stadt zu errichten, am 8. Januar 1282.

Richardus, dei gracia dapifer curie Magdeburgensis, Heino, miles, dicti de allewe, Hermannus de grabowe, Conradus de Beliz, Hildebrandus de Bertinsleue, Hildebrandus de owiffelde et Conradus, Marschaleus, Discretis viris schulteto, Consulibus et schabinis ciuitatis Juterbogk Quicquid possunt commodi et honoris. Cum venerabiles domini nostri Bernhardus electus et totum sancte Magdeburgensis ecclesie capitulum tractatu et deliberacione nobiscum habitis consensum suum adhibuerunt super eo, ut in ciuitate Juterbogk cenobium sanctimonialium construatur in loco, qui viro discreto domino henrico, preposito monasterii dominarum sancti laurencii Magdeburgensis, et vobis ad structuram huiusmodi videbitur expedire; Discrecionem vestram Rogamus omni studio, quo sufficimus, et diligentia, quanta valemus, Quatenus ob Reuerenciam Venerabilium dominorum nostrorum electi et capituli predictorum et ad nostram instantiam ad edificacionem cenobii supradicti pie deuocionis studio vna cum supradicto preposito taliter infistatis, ut exinde deum mereamini habere propiciam et ab hominibus merito commendari. Datum anno domini M° CC° LXXXII°, feria quarta post epiphaniam domini.

Aus dem Copiarum No. 32 Jüterbock p. 1 daselbst.